



Universitätsbibliothek Paderborn

**R. P. Thomæ Tamburini Societatis Jesu Siculi
Caltasinettensis, In ... Universitate Messanensi Theologiæ
Primarii Professoris, Tractatus Quinque In Quinque
Ecclesiæ Præcepta**

Tamburini, Tommaso

Dilingæ, 1697

Caput Ult. Varia De Jejunio. Nonnulla, quæ in superioribus locum, vel non
habuerunt, vel inter scribendum exciderunt, hîc assuere, ad hujus
tractationis absolutum complementum, non gravabor.

urn:nbn:de:hbz:466:1-40032

heretici valde calumnientur praeceptum
S. Ecclesie de abstinentia à carnis.

Dixi Ć indifferenter, nam concedi-
tur in aliquo casu particulari ratione
evidentis necessitatis, provenientis ex
infirmitate, vel si nihil aliud suppeteret,
vel si aliquis ex hospitibus, qui videtur
fide dignus, diceret, id sibi à superiori-
bus industrum. Hactenus Loth.

18. Vendentes tamen (licet non
parando, nec ministrando, nec invi-
tando) lacticinia, ut etiam carnes in
diebus vetitis, ubi pro lacticiniis non
promulgatur Bulla in locis Catholicorum,
tunc ego excusarem, quando
non indifferenter pro omnibus, sed
infirmis, & agrotanibus venderent;
nam cæterum in locis Catholicorum
non videtur esse sufficiens causa ipsum
officium vendendi res comestibiles;
solùm enim hoc officium concedit,
posse vendere Quadragesimalia, non
autem lacticinia, vel carnes, ut dictum
est num. 12. Sanè in nostra Diœcesi
nemo vendere publicè potest carnes in
diebus vetitis, nisi cum licentia Archiepiscopi vel Vicarii. Sed redeo ad Loth,
qui sic pergit: In locis vero heretico-
rum, ubi passim solent ab aliis apponi, id
licitum esset caponi Catholicos, posse
duabus conditionibus (præcisò semper
contempsa Religionis.) Prima, si non
possit recusare sine notabilis suo incom-
modo, ut si alioquin ab hospitibus esset
deferendus ad Magistratum, quia id per
se malum non est, sed quid indifferens,
ergo supposita legitima, & proportiona-
ta causa id fieri potest sine peccato: qua
ratione excusantur ancille Dominorum
Hereticorum, qua diebus Jejuniorum

coquunt carnes, & cœnamparant, qui
id sine notabilis suo incommodo detin-
re non possunt: nam si possent, debet
certe, illos Dominos deferere, & alios
Catholicum invenire. Secundus, si
caupo dictus non apponat carnes, nissi
tantur, non enim ingredi possunt non
tentibus, quia hoc esset ad illicta im-
tare, nisi forte apponat simul carnes, o-
pisces, relicta enique potestate eligenda
ut faciunt plerique Catholicis interfe-
reticos. Hactenus Loth.

CAPUT ULT.

VARIA DE JEJUNIO.

Nonnulla, quæ in superiori-
bus locum, vel non habue-
runt, vel inter scribendum
exciderunt, h̄c aslueri, ad
hujus tractationis absolu-
tum complementum, non
gravabor.

De Jejunio in Pane, & Aqua.

1. Inquires primò. Qui vovit jeju-
nare in pane, & aqua; vel cui
impositum est pro pénitentia suorum
peccatorum simile Jejunium à Confes-
satio, quantum vini bibendo mortali-
ter peccabit?

2. Respondeo. Hac in re videtur
Castropalaus, nimis laxè esse loquens
tom. 3. tract. 15. dub. 12. num. 27. dum
docet, votum abstinendi à vino obliga-

te sub gravi culpa in ea quantitate, quæ vino temperate utentibus sufficeret pro una comedione; quasi abstinerè à minore, non obligetur graviter, quia hæc, ait, censenda parvitas materiæ, quæ non parit obligationem mortalem, sed tantummodo venialem. In hoc argumento de Jejunio, quia, ut supra vidimus, obligatio de jejunando non est tanti rigoris, nimis, inquam, laxè; Si quis enim quater bibat vinum, aquâ de more regionis dilutum in prandio, temperatè bibet, ergo sequitur ex placi Cætrop. quod is, cui non liceret vinum propter votum, vel pœnitentiæ bibere, posset sine gravi culpa illud bibere bis, vel ter. Id certè mihi improbare videtur. Ego igitur semel, modo, seu more dicto, bibere, non putarem grave, sed pluries, puto esse omninò grave, atque adeò esse peccatum mortale ei, qui tale votum emisit, vel cui talis pœnitentia legitimè fuit imposita. Neque id durum alicui videatur; nam idem Cætrop. (nescio, an sibi cohaerens) dixerat *ibid. n. 19.* seu luppenuerat, semel bibendo vinum, strangi Jejunium promissum in solo pane, & sola aqua.

*Non potens jejunare in pane, &
aqua, ad quid teneatur?*

3. **I**nquires secundò. Si ille, qui in pane, & aqua jejunare vovit, non potest propter aliquam gravem causam ex illis, quas supra latè declaravimus, sic jejunare, obligabitur ne jejunare, cum piscibus, aliisque cibis legalibus, addito vini potu sibi necessario?

4. Respondeo. Obligabitur: immò si nec cum his, vel similibus Quadragesimalibus obsoniis potest, obligabitur cum lacticiniis Jejunium servare. Ratio est, quia accessorium sequitur principale, non verò contra, ut est commune pronunciatum in utroque jure. Cum igitur ex mente communiter voventium, vel Confessorum pœnitentiam hanc imponeantur (nisi aliud expressè intendatur à voiente, vel explicetur ab imponente) promittatur, vel imponatur principaliter Jejunium, si illud servari aliquo modo potest, omninò debet.

5. Propter eandem rationem, si cum voveris Jejunium in pane, & aqua, tu tamen hora consueta alios cibos quadragesimales (certè cum decato, quia sic tuum votum non servasti) adhibueris, adhuc teperi ad Jejunium, quia jam remanet substantia Jejunii, quæ sic servari à te potest.

6. Quod si jejunare nullo modo poteris, tunc profectò non te obligo ad abstinentiam à prædictis cibis, sive legalibus, sive lacticiniis, immò nec à carnibus, si ejusmodi Jejunium debeat fieri in diebus non vetitis. Id quod docet Layman *lib. 4. tr. 4. cap. 2. n. 3.* Et ratio est, quia abstinentia ab illis accessoriis ad Jejunium erat: quare excusat à principali, non obligaberis ad accessorium.

7. Dixi autem (nisi aliud expressè intendatur, vel explicetur :) nam si in tuo voto intendas, te velle jejunare præcisè sub hac forma (sine vino, sine piscibus, sine aliis obsoniis, præter panem, & non sub alia ;) vel si idem tibi

Bbb 3 ex-

explicit Confessarius, dum similem poenitentiam tibi imponit, certe illâ forma semel, quamvis cum peccato violata, ad aliam ex vi voti, vel poenitentia non obligaris, quia illam vovisti, vel acceptasti, & non aliam.

An toties peccatur, quoties in predicti voti die bibitur vinum?

8. Inquires tertio. An toties peccem, quoties vinum bibo in die, quo Jejunium in pane, & aqua, vovi, vel acceptavi; sedque bibam in notabilis quantitate aliqua; nam ceterum prout nihilo parum reputatur, & solum tunc peccatur venialiter, nisi forte tam paucas guttas vini bibam, ut moralius ita nihilum reprobaretur, ut ne peccatum quidem veniale committerem; id enim jam scio ex doctrina in superioribus non raro alata. Et sane hoc, quod inquisis, idem est, ac si quereres, utrum si vinum biberis, atque adeo quoad hanc circumstantiam votum, vel poenitentiam violaveris, possis licere, sine novo peccato, vinum iterum, iterumque bibere, posito quod aliud in contrarium non intenderis, vel acceptaveris?

9. Respondeo, hac in re duas esse DD. sententias. Affirmat licet posse Sanchez lib. 4. in Decal. cap. 11. n. 41. quia per abstinentiam vini semel violatam redditur pro illo die impossibilis dicta abstinentia vini. Negat Castrop. tom. 3. tract. 5. diff. 1. punct. 12. num. 10. quia intentio, aut, voventis videtur Jejunio abstinentiam vini pro singulis horis totius diei affixisse.

10. Ego assentior Sancio, si sermo sit de voto, vel acceptatione jejunandi in pane, & aqua. Castropalao autem, si sit sermo de voto, vel de acceptatione abstinendi eo die à vino, nam licet in his duobus votis magna affinitas videatur esse; nihilominus, quia in altero est negatio bibendi vinum, quæ est malignantis naturæ, atque adeo omnia prorsus excludens; in altero est affirmatio bibendi aquam, videtur adesse non spernenda diversitas, quam ianuisse satis, superque sit, quamque diligenterius examinandum Theologis scholasticis relinquimus.

11. Illum scrupulum denique à te amovert Azor. p. 2. lib. 11. cap. 10. te Sacerdotem ex voto, vel ex poenitentia Jejunantem in pane, & aqua non agere contra tuum votum, vel poenitentiam, quamvis in sacro sumas utramque ablutionem, de more sumi solitam. Sicuti neque contra illud agere, si elles laicus, & post communionem vinum sumas in ea quantitate, quæ de more in aliquibus Ecclesiis præteri solet communicantibus.

12. Quæres per hanc occasionem. Quid, si quis Sacerdos obligatus Jejunare in pane, & aqua, notabilem vini quantitatem ultra modum conuenerit consecrare, illudque assumeret; reusne esset fracti voti præter peccatum irreverentia commissum contra morem Ecclesie, tantam quantitatem vini consecrare nunquam usurpantis?

13. Respondeo, hunc Sacerdotem præter peccatum irreverentia, esse etiam fracti voti reum. Sicuti item, si extra unicum de more plenam in meti die

die refectionem, in communi Jeiuio assumeret notabilem quantitatem SS. Corporis in multis consecratis particulis. Ratio responsoris est, quia quamvis substantiam vini, & panis tunc non sumeret, qua tota in hoc Sacramento abest, tamen assumit talia panis, & vini accidentia, ut mox iis corruptis, ac Christi Domini præsencia remota, mutentur in chylum, nutriantque perficie; sicuti quilibet communis panis, & commune vinum: id quod est directè contra naturam Jejunii, potenter mace rationem carnis, & modicam nutritionem, quæ omnia latè Theologi passim explicant, & quoad nostram responsionem sic tenet Diana loco mox citando.

14. Quæres iterum. Quid de Jejunio naturali? Si quis e. g. sumeret vini, panis ve consecrati aliquam quantitatem, essetne Jejunus, ut sic communicare iterum posset eodem die? Id certè ex concessione Ecclesiæ, ritè, & cum laude facit Sacerdos in secunda, & tertia Misa Natalis Domini, & Parochus, qui duabus Parochiis intervixit in casibus alibi explicatis, & in casu dandi Viaticum moribundo ex probabili sententia, si deficiant particulae praconsecratae. Sed petitio præsens est de aliis casibus, & absolutè. Quare, si quis e. g. etiam laicus post peractam communionem iterum eodem die communicaret, is peccaretne contra prohibitionem Ecclesiæ, bis communicandi in eodem die, an etiam contra prohibitionem communicandi post cibum assumptum? cum enim SS. Christi Corpus, & Sanguis non contineat

substantiam, panis, & vini, atque ad cè non sit cibus, nec potus usualis, videtur is post illa assumpta esse omnino Jejunus.

15. Respondeo Fagundez apud Dianam part. 14, tratt. 6, resol. 18, & propendet ipse Diana, censet, peccare etiam contra prohibitionem communicandi post cibum, quia pro die Natalis Domini, & pro aliis illis casibus est privilegium concessum ab Ecclesiæ, quod in aliis casibus non adest.

16. Thomas autem Hurtadus, & Amicus apud eundem Dianam censent, non peccare contra Jejunium naturale, quia verè tunc non assumitur substantia cibi, sed SS. Christi Corpus. Nec obstat, inquiunt primò, quod nutrit, quia non nutrit, ut panis, sed ut Corpus Christi. Nec obstat secundò, quod sequeretur, cum non frangere Jejunium, qui præter refectiōem meridiei assumeret multas particulas consecratas; non obstat, inquiunt, quia multæ particulae, quamvis consecratae, nutriendunt, atque adeò sunt Jejunio Ecclesiastico contraria, cum id sit contra finem Jejunii Ecclesiastici. At sumptio particularum consecratarum non est contra finem præcepti, quæ est reverentia debita tanto Sacramento, atque adeò non est contra finem Jejunii naturalis.

17. Mihi videtur probabilior sententia Fagundez. Ratio est, quia non potest negari, assumi cum ipso Christi Domini Corpore accidentia, quæ mox mutanda sint in chylum. Ecclesia autem in reverentiam ejusdem Domini vult, ut ipse idem Christus non inveniat

fto,

stomachum præoccupatum, in quo scilicet eodem die fuerit materialis, & nutritivus Corporis chylus.

18. Quare parum facit ad intentum adversariorum, quod particulæ consecratae non nutriant, ut panis; satis enim pro nobis est, quod nutritur: præterquam quod, illud quod adversarii docent, quod nutriant, ut Christi Corpus, nescio, an tunc dictum sit, quia non est Christi Corpus, quod nutrit, sed accidentia, quæ mutantur in chylum, modo supra dicto. Atque hinc etiam sequitur, quod, posito quod, modo explicato, accidentia nutrit, non possit evitari irreverentia, quæ ex instituto Ecclesiæ judicetur fieri Christo Domino, invenient stomachum, veluti præventum eodem die à præssumbris accidentibus, corumque effectu, quo corpus nutritur.

Jejunium in solo pane, an admittat pastilos ex sola farina?

19. Inquires quartò. An peccet is, qui vovit solum panem comedere, si eodem die voti alia esculenta sumat ex solo frumento, vel sola triticea farina consecrata, qualia sunt, quæ ab Italî, vel Vermiculi, vel maccherones appellantur, vel quales essent pulches ex solo cremore frumenti (vulgò ex amido) nullâ aliâ re commixta? Ratio dubitandi est, quia sic videtur, & sic non videtur, is substantiam pánis assumere.

20. Respondeo peccare. Ratio sumenda est ex intentione communis voventionis; qui, dum Jejunium in pane, & aqua vovent, solo pane com-

muni, & ordinario se fore contentos promittunt; nisi expreſſè aliud intendant; atque illa edulia, quamvis extiticea farina compacta, longè aliud sunt in usu, & existimatione hominum, quam panis communis; ergo, &c.

21. Illud nihilominus facile huic concedo, ut posit is panem ordinari, um in aqua coquere, & hoc modo coquum comedere, quia sic non se extrahit à communī pane. Quare, sicuti posset panem prædictum communem ad prunas assare, assatō que tunc velci, quod nemo negat; sic poterit aqua elixare, elixatō que frui.

*Quantitas lacticiniorum in re-
spertino jentaculo.*

22. Inquires quintò, cum supra cap. 6. n. 23. dixerimus, posse probabilitate licet, in vespertino jentaculo Jejunii assumi, non quidem ova (hac enim omnino exclusimus ibid. n. 24.) sed alia lacticinia, quando scilicet esse possunt comedî manè in plena refecione, remanet difficultas quoad eorum quantitatem, seu mensuram pro dicto jentaculo.

23. Respondeo: & quidem inquire potest de quantitate parva, de mediocri, de magna.

24. Quoad parvam, id est, illam, quæ constitutæ in hac re parvitatem materiæ, dixi ibidem, à Leandro alias cianto, concedi sine mortali mensuram dimidiæ uncia plus, minus, id quod ibi satis explicatum est; & confirmati etiam potest ex dictis supra c. 5. n. 39. Quare dicta, ibique explicata cœlei quantitas poterit licet adhiberi in jentaculo.

taculo illius, qui ex privilegio, vel dispensatione lacticiniis velci in Jejunio potest.

25. Quoad mediocrem, de qua ego locutus sum dicto cap. 6. num. 23. sum enim locutus absolute de caseo, similique lacticinio, eo modo, quo caseus comedti pro obsonio solet communiter in usu humano: qui communis usus non usurpat comedere caseum, vel butyrum, vel quid simile jentaculo, nisi cum pane; dico, quantitatem lacticiniorum, quæ potest permitti in jentaculo Jejunii admittentis sive ex privilegio, sive ex legitima consuetudine dicta lacticina; dico, inquam, hanc quantitatem mensurari debere ab hoc eodem communii usu: ut scilicet in hac opinione, quæ concedit lacticina habenti e. g. Bullam, tantum casei e. g. in talis Jejunii jentaculo possit licet comedti, quantum adhiberi regulariter solet a faciente jentaculum cum proportionato pane. Cum igitur, qui octo unciarum jentaculum etiam extra Jejunium facere velit, soleat ad summum quartam plus, minus casei partem adhibere, ita ut ex uncis ex pane cum dimidia addat pro obsonio unam unciam cum dimidia ex caseo, sequitur, quod in vesperino Jejunii praedicti jentaculo, secundum hanc opinionem possit quis habens Bullam, vel privilegium, comedere uncias septem ex pane, & unam ex caseo plus, minusve. Hanc mensuram, mediocrem appellavi; intellige semper de uncia Romana, quam mercatoriam aliqui appellant, & nos Siculi unciam (*alla fortilla*.)

26. Quoad magnam, de qua ego Tambur. de Precept. Eccles.

nec loco citato, nec alibi loquutus sum, quæ est illa mensura excedens usum casei communem, qualis esset, si quis vellet totas uncias octo concessas projectaculo, assumere in caseo, in butyro, in lacte; id, quod nimis esset extraordinarium; quis enim pro jentaculo etiam extra Jejunium sumit octo uncias ex solo caseo, vel butyro? Idemque certè est proper paritatem rationis de sumente majorem partem notabiliter ex caseo, quam ex pane. De hac igitur quantitate, quam magnum appello; & de qua, ut dico, nunquam locutus sum, astero, mihi videri improbabile, illam licet sumi posse in Jentaculo Jejunii. Ratio est, quia caseum admittimus, & loco est, ut probabile admisimus in ea quantitate, & eo modo, quo in secundis mensis adhiberi solet; at tunc solùm solet sumi in parva, vel ad summum in praedicta mediocri quantitate, ipso usu, servantibus omnibus, illud medicorum. Caseus est sanus, quem dat avara manus.

27. Scio nihilominus, videri etiam hanc magnam quantitatem concedi à Marco Vidal in *Arca Theologica titul. de Jejunio Inquis. I. n. 140.* qui, dum concedit dicta lacticina in dicto Jentaculo pro habente privilegium, sic addit. Ratio est, quia isti sunt cibi leves parum famem sedantes, unde plus fames sedatur sumendo nuces, panem, leguminas, & alias ejusmodi cibos, quam sumiendo eandem quantitatem ex dictis lacticiniis. Hæc ille, Quod idem posset confirmari ex doctrina ejusdem Marci *ibid. n. 123.* allata, quod nimirum in vespertina collatiuncula, quæ

fuit

Ccc

sunt introductæ ex consuetudine, non tam sit attendenda qualitas, quam quantitas.

Scio item, idem intelligi posse ex Patqualigo, qui dees. 114. sine ulla distinctione, vel limitatione concedit, cum, qui alias lictè comedit manè laetitia, posse vespere pro jentaculo eadem comedere. Scio, inquam, hæc, sed his acquiescere propter rationem à nobis modò dictam nequaquam possum.

*Jejunium servatum in uno loco
an repetendum in alio?*

28. Inquires ultimò. An si servavi Jejunium juris communis in uno loco, obliger aliquando illud servare in alio? Panormi e. gr. jejunatur die Mercurii e. g. pro festo S. Jacobi, si hoc incidat die Veneris, quia die Jovis est solemnitas S. Christinæ Patronæ; at Montregali jejunatur die Jovis. Si ego jeunavi die Mercurii Panormi, sed die Jovis muto domicilium cum animo morandi Montregali, obligorūne iterum ibi jejunare? Idem queritur de vigilia S. Bartholomæi in iis locis, in quibus vigilia, & festum postponitur; & in Quadragesima in iis locis, in quibus est diversitas Kalendarii?

29. Respondeo Pontius lib. 5. matr. cap. 8. in fine, ait, te obligari, quia jus commune obligat unumquemque in quocunque loco, ubi illud non sit abrogatum; at Montregali e. g. non est abrogata obligatio jejunandi in dicta die, & idem de Quadragesima, ergo,

quamquam illam complesti, adhuc obligatis alibi, ubi non est completa, ibi figas domicilium.

30. Nihilominus veram sententiam puto eam, quam sequitur Sanctus lib. 1. in Decal. cap. 12. n. 23. Baldell, tom. 1. lib. 5. disp. 31. n. 4. aliisque cum Verricelli, de Mission. tistl. 3. q. 88 n. 1. hoc est, te non obligari. Ratio est, quia præceptum jejunandi, indictum à Iure communni, obligat me temel jejunare, non autem bis; neque enim Ecclesi præcipit bis satisfacere suo præcepto, sed semel. Semper autem absente debet scandalum, quod facile vitabitur, si statutis dicatur, te jam jeunasse, & præceptum impleuisse,

31. Sed quid contra, si nimis ego, non completa Quadragesima, accedam ad locum, ubi jam est completa, obligorūne ibi eam complete; vel vigilia à me non servata accedam ad locum, ubi vigilia jam amplius non servatur?

32. Respondeo. Obligat te M. rolla tom. 2. disp. 4. c. 3. n. 557. quia præcepta communia, de quibus loquimur, obligant absolute in quocunque loco quisque sit. Non te obligat Sanchez 1 in dec. c. 12. n. 30. aliisque cum Verricelli loco cit. n. 19. quia in tali loco jam cessavit Quadragesima, vel vigilie præceptum, atque adeò cessavit ejus obligatio, ergo potes, te conformare illi loco, ubi inveniris semper remoto scando. Utraque sententia est probabilis; recole, quæ diximus c. 2. n. 27. & 30.

* * *

PAR.